

16-04-2012

Broj: 03/04-02-14-7/12
Sarajevo, 10.04.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17-04-2012			
Organizaciona jedinica	Klasifikaciona oznaka	Redni broj	Broj priloga
01-50-1		15-23/12	

PARLAMENTARNA SKUPŠTINA BOSNE I HERCEGOVINE

Zastupnički dom

gosp. Božo Ljubić, zastupnik
gđa Branka Todorović, sekretar

Predmet: Odgovor na zastupničko pitanje

Poštovani,

U prilogu Vam dostavljam odgovor na zastupničko pitanje upućeno Federalnom ministarstvu energije, rudarstva i industrije koje je, na 23. sjednici Zastupničkog doma Parlamentarne skupštine Bosne i Hercegovine, održanoj 16.02.2012.godine, postavio zastupnik Božo Ljubić.

S poštovanjem,

SEKRETAR VLADE
Edita Kalajdžić
Edita Kalajdžić

Broj: 12-18-1014/12
Datum: 06.04.2012. godine

Bosna i Hercegovina
Federacija Bosne i Hercegovine
Vlada Federacija Bosne i Hercegovine
n/r gosp. Edita Kalajdžić, sekretar

BOSNA I HERCEGOVINA
FEDERACIJA BOSNE I HERCEGOVINE

9. 4. 2012			
Broj:	12-18-1014/12	Priloga:	
Podnosi:		Priloga:	
03/04-02-14-7/12			

PREDMET: Odgovor na zastupničko pitanje, dostavlja se

Veza: Vaš akt, broj: 03/04-02-14-7/12 od 12.03.2012. godine.

Poštovani,

Vašim aktom, gornji broj i datum, dostavili ste ovom ministarstvu zastupničko pitanje koje je postavio gosp. Božo Ljubić, zastupnik u Parlamentarnoj skupštini Bosne i Hercegovine, a koje se odnosi na diskriminaciju radnika na nacionalnom osnovu u privrednom/gospodarskom društvu „IGMAN“d.d., Konjic koje je u većinskom državnom vlasništvu.

Gosp. Ljubić nije bio zadovoljan odgovorom koji je uradila Uprava društva na zahtjev resornog ministra, a koji mu je prosljeđen od strane nadležnog ministarstva. Federalni ministar je nakon toga uputio predstavnike ministarstva, gosp. Nikicu Ćurak i gosp. Adnana Mahmutovića zaposlene u Federalnoj direkciji za namjensku industriju u ovo privredno/gospodarsko društvo sa zadatkom da obave razgovor sa Upravom društva i zaposlenicima koji se smatraju diskriminiranim te utvrde postoji li bilo kakav vid diskriminacije.

Sastanak je održan dana 27.03.2012. godine u službenim prostorijama ovog privrednog/gospodarskog društva na kojem su bili prisutni:

1. Nikica Ćurak, predstavnik ministarstva
2. Adnan Mahmutović, predstavnik ministarstva
3. Džahid Muratbegović, gen. direktor „IGMAN“d.d.
4. Himzo Muhibić, sekretar „IGMAN“d.d.
5. Sead Alibašić, referent za radne odnose „IGMAN“d.d.
6. Jasna Anđelić, zaposlenica „IGMAN“d.d.
7. Zdravko Banović, zaposlenik „IGMAN“d.d. i
8. Milovan Govedarica, zaposlenik „IGMAN“d.d.

Na pitanje predstavnika ministarstva u čemu se ogleda diskriminacija prema njima i ostalim uposlenicima, potpisnicima peticije upućene gosp. B. Ljubiću, na što su svih troje prisutnih uposlenika odgovorili da je osnovni problem to što samo za potpisnike peticije i jedne uposlenice bošnjačke nacionalnosti nije plaćen doprinos za PIO/MIO za period 1992-2000. godina.

Referent za radne odnose, gosp. S. Alibašić i sekretar društva, gosp. H. Muhibić su obrazložili razlog na način da su spomenuti uposlenici zajedno sa još 211 uposlenika dobili otkaze u 7. Mjesecu 1992. i 4. Mjesecu 1993. godine.

Nakon završetka obrambenog rata, privredno/gospodarsko društvo „IGMAN“d.d., Konjic je objavilo poziv za sve uposlenike koji su bili uposleni u ovom društvu na dan 31.12.1991. godine da se jave u društvo gdje im je ponuđeno da nastave raditi ili da im se, sukladno članu 143. Zakona o radu, uplate doprinosi za PIO/MIO do 05.05.2000. godine, isplati pripadajuća otpremnina i konačno raskine radni odnos.

Od 220 uposlenika koji su dobili otkaz u 1992. i 93. godini, 218 je prihvatilo ponovno uposlenje na tada ponuđeno radno mjesto koje je odgovaralo stručnom obrazovanju uposlenika.

Poznato je da je stanje u ovom društvu dugo godina bilo vrlo teško zbog nedovoljne uposlenosti, viška radnika, stare opreme, izgubljenog tržišta i t.d. pa društvo nije moglo uplaćivati poreze i doprinose za uposlenike.

Pristizanjem sredstava iz Pasivnog podbilansa preduzeća i banaka, tvz „Irački dug“, i privredno/gospodarsko društvo „IGMAN“d.d., Konjic je aplicirao za ta sredstva za, isključivo, uplatu doprinosa PIO/MIO uposlenicima društva.

Odlukom Vlade Federacije V. broj 1044/10 od 22.12.2010. godine dodijeljeno je ovom društvu 5.462.317,88 KM, te su pokrivene obaveze za sve radnike kojima je evidentiran radni staž u društvu po ovom osnovu zaključno sa 01.10.2010. godine.

Uplata doprinosa za PIO/MIO nije izvršena za radnike koji su u međuvremenu penzionirani, koji su se zaposlili u drugim preduzećima i radnicima koji su i dalje zaposleni u društvu a kojima je radni odnos bio u prekidu u periodu 1992. i 93. do 2000. godine, a nisu pravdali taj period kroz učešće u oružanim formacijama, Civilnoj zaštiti i t.d. među kojima su i potpisnici peticije.

Uprava društva ovo obrazlaže činjenicom da se za se za jedan broj uposlenika nije mogao naći način za uplatu doprinosa u ovom periodu obzirom da nisu radili, pa prema tome nisu ni ostvarili pravo na „uvezivanje“ radnog staža, a nisu taj period pravdali angažiranjem u oružanim snagama, civilnoj zaštiti, radnoj obavezi ili nekoj drugoj organizaciji koja je bila u vrijeme obrambenog rata.

Direktor društva, gosp. Džahid Muratbegović je izjavio da od strane društva ne postoji nikakav, a pogotovo ne nacionalni razlog da se ovaj problem za deset uposlenika ne riješi odmah, ukoliko se nađe zakonski osnov za to.

Predstavnici Federalnog ministarstva energije, rudarstva i industrije, kao resornog ministarstva, zadužili su Upravu društva da u suradnji za Federalnim zavodom PIO/MIO pokušaju iznaći rješenje za ovaj problem i obećali da će također kontaktirati Federalni zavod PIO/MIO kako bi se pomoglo u rješavanju ovog problema, što je Uprava društva pozdravila i suglasila se da će prihvatiti svako zakonito rješenje, što je i do sada činila.

Iz svega je vidljivo da po pitanju uplate doprinosa za PIO/MIO za potpisnike peticije nema nikakve, a pogotovo nacionalne, diskriminacije uposlenika hrvatske i srpske nacionalnosti.

materijala sa satnicom od 2,75 KM, što je satnica SSS koja odgovara njenom stručnom obrazovanju, a što je gosp. Anđelić i prihvatila potpisujući Ugovor o radu broj, 426/2-08 od 15.12.2008. godine.

Isključivo pravo Uprave društva je da vrši raspoređivanje uposlenika prema Zakonu o radu i internim aktima društva, a skladu za stručnom spremom i vještinama uposlenika.

Ukoliko uposlenici nisu zadovoljni ostvarenim pravima iz radnog odnosa, mogu zaštitu svojih prava tražiti putem nadležnih sudskih organa.

S poštovanjem,

DOSTAVLJENO: - Naslovu
- a/a

MINISTAR

Erdal Trhulj